



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 39. Euphemius Constantinopoli ejicitur.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum V.
A. C. 495.
nes Episcopi, & Presbyteri, surgentes sæpius acclamando consensum suum professi sunt, Papam tanquam Jesu Christi Vicarium agnoscentes, additis votis, ut in Sede Romana S. Petri annos expleret. Sixtus Ecclesiæ Romanæ Notarius jubente Papa hujus absolutionis Acta conscripsit, & ipse Pontifex in hoc Concilio adversus obstinatos Græcos multum dixit.

§. XXXIX.

Euphemius Constantinopoli ejicitur.

Marcell.
Chr. Theod.
lect. lib. 2. p.
559. Theoph.
p. 120. an. 5.
Anast.

Interea Anastasius Imperator nihil non faciebat, quo Græcorum animi in Schismate obfirmarentur. Eodem anno 495. Viatore Consule, Euphemium Patriarcham Constantinopolitanum depōni jussit, falso insimulatum, quod consilio & consensu juvisset rebelles Itauros, qui pristino favore Imperatoris Zenonis Popularis sui adhucdum feroces contra Anastasium sub ejus Regni auspiciū seditionem moverant. Quamobrem Episcopi, qui tunc Constantinopoli degēbant, in Concilium coire jussi, & quia Imperatorem offensum nolebant, Euphemium deposuerunt, & excommunicarunt. Mox præcipiente Imperatore in ejus locum ordinatus est Macedonius Presbyter, Ecclesiæ Thesauro Præfectus,
Nepos

Nepos Gennadii Patriarchæ, qui olim ^{Sæculum V.} pueri mores ad Pietatem, & institutum ^{A.C. 495.} Monasticum formaverat. Nihilominus ab Imperatore jussus Zenonis Henotico subscripsit. Populus Constantinopolitanus Euphemio favens commoveri cœpit, & ad Hippodromum concurret, Lytanas decantans. At Imperator a sententia non recessit, & Euphemium Eucaitam in Paphlagonia relegavit. Antequam proficisceretur, petiit, ut Macedonius sibi Fidem publicam daret, se incolumem in locum Exilii deducendum. Igitur Macedonius ei collocuturus venit ad Baptistarium, & priusquam intraret, Pallium sibi auferri a Diacono jussit, nolens præsentem Euphemio illud gestare. Imo accepit mutuas pecunias, easque abituro dedit, quibus viæ socios sustentaret.

§. XL.

Elias Patriarcha Jerosolymitanus.

Euphemii Deposito Athanasio Patriarchæ Alexandrino, & Palladio Patriarchæ Antiocheno probabatur, non vero ^{Vit. S. Sabæ} Eliæ Patriarchæ Jerosolymitano. ^{Cotel. mon.} ^{to. 3. p. 262.} ^{Is p. 296.} S. Euthymii erat Discipulus, & a Biennio successerat Salustio, qui Sedem hanc annis octo, & tribus mensibus tenuit. Elias tertio anno Imperatoris Anastasii, nempe 493. ordinatus, propter Eccle-